

Գրիգորի՝ որոց գլխաւորքն էին Մինաս վարդապետ Կար-
նեցի, Յովհաննէս Եպիսկոպոս Եզնկացի՝ տեղապահ Գրի-
գորի, չարժեալ 'ի չար նախանձուէ՝ հակառակ կացին Ա-
րիստակէս վարդապետի՝ քահանայից և ժողովրդոց Պալա-
տու, և ջանային ցրուել զմիաբանութիւնս նոցա, խափա-
նել զշինութիւն եկեղեցւոյն՝ եւ հալածել զԱրիստակէս
վարդապետ, որ թագուցեալ կայր 'ի Ղալաթիա։ Ի սոյն
աւուրս եհաս անդ յերուսաղէմէ Գրիգոր Պատրիարք Պա-
րոն Տէր կոչեցեալ, իրեւ լուան քահանայք եւ ժողո-
վուրդք Պալատու զգալուստ նորին, մեծ և փոքր առ-
հասարակ դնացին ընդ առաջ նորա 'ի յարգանս 'ի Խրու-
սուպօլիս՝ այն է Իւսկիւտար, և 'ի նմին պահու ձայն բար-
ձեալ գոչէին և չարախօս լինէին զՅովհաննէս Եպիսկոպո-
սէ, եւ Սուլու Մանասարցի Սաջատուր երիցուէ, (ոնց
առեցաւ եւ խափանեցաւ) ստէ նա ինքն Գրիգոր, եւ
յորժամ էանց Պատրիարքն 'ի Սաս գիւղ, եկն առ նա
Յովհաննէս Եպիսկոպոս յողջոյն և 'ի տեսութիւն, զի յա-
ռաջագոյն աշակերտեալ էր նմա, և նորա բացեալ զերան
իւր սատակադոյն կշտամբեալ յանդիմանեաց զնա նախա-
տական բանիւք, որպէս ինքն ստէ (ամօթ երեսաց իւրոց
ծածկեաց զինքն, և տխրեալ դիմօք եւ և գնաց)։

Յետ այնորիկ սկսաւ Գրիգոր Պատրիարք յորդորական
բանիւք քաջալերել զժողովուրդն ձեռն արկանել 'ի շինու-
թիւն եկեղեցւոյն Հրեշտակապետի։ Գլուխ և վերատեսուչ
կացին գործոյն ինքն և Արիստակէս վարդապետ, ջանիւք
և աշխատութեամբ կատարեցին զայն, և արարեալ զհան-
դէս նաւակատեաց օրհնեցին զնա։ Եւ Արիստակէս մեկնեալ
անտի գնաց 'ի կողմանս Բիւթանիոյ։ Սակայն տունք Հրէից
կարի մերձ էին յեկեղեցին, և ըստ աղտեղի սովորութեանց
նոցին բուրէր գարշահոտութիւնք նոցա 'ի զլուանս ժողո-
վրդոց, եւ երբեմն նախատէին իսկ զկրօնս քրիստոնէից
և զեկեղեցին։ Էր անդ նաեւ տուն մեծ և բարձր քան զե-
կեղեցին՝ առն ուրումն մեծատան յազգէ Յունաց, և սա
եւս ատելութեամբ գնայր ընդ ազգին սակա եկեղեցւոյն,
և առաւել վատթարագոյն գտեալ քան զՀրէայսն, տայր
արկանել 'ի վերայ եկեղեցւոյն զաւելորդս կերակրոց եւ
այլոց իրաց իրրեւ յազրիւս։ Եւ զկնի աւուրց ինչ պատա-